


Kimetz Furundarena Agirre

B Maila | Bertsoa | 1. saria

Sortez aramarra, baina azken zortzi urteak Beasainen daramatzat bizitzen. 14 urte ditut eta DBHko 3. mailan nabil Beasaingo Andramendi Ikastolan. Nire zaletasunak kirola, hizkuntzarekin lotutako jolasetan jardutea, bideo-jokoetan lagunartean aritzea eta irakurtzea dira.



Euskara

Doinua: Norteko ferrokarrila

Altxor bat jaso dugu etxean

milaka urte duena,

belaunaldiz belaunaldi eta

ahoz aho pasa dena,

gure hizkuntza guretzat zer den

da benetan nabarmena:

Euskal Herriak euskaragatik

du izana ta izena.

Pixka bat begiratzeko badiet
inguruko gurasoei
euskaraz ari den bakoitzeko
erdaraz ari dira sei,
askok euskaraz egiten die
soilik haur eta txakurrei,
zuek egiten ez duzuenik
ez exijitu besteei!

Gazteok ere badugu lana
euskararen alorrean,
parrandan, kirolean, ligatzen,
kuxkuxean, jendartean,
ohitura galdu da egiteko
gure hizkuntza zaharrea
oso euskaldun ezin da izan
gaztelera jatorrean.

Telebistan entretenitzeko
euskaraz aukera gutxi
nahiz baden aktore, gidoilari,
eta hainbat harribitxi

zuzendaritzak hitzak ederrak,
ta gero atearak itxi,
gustura egingo nizkieke
masailean bi imurtxi.

Youtuber, tik-toker, influencer
modan sare sozialak,
mundu handia txiki egin du
Internet sare zabalak
hizkuntza batzuk txikiak dira
ta handiak arrakalak,
euskararekin izan gaitezke
euskal internazionalak.

Azaroan etorri zitzaigun
“sorioneku” berria:
Irulegin agertu zaigula
eskutxo zoragarria.
etorkizuna erreka bada,
ta iragana iturria
agian hasi gintezke sortzen
guk nahi genukeen herria.